

ALTA CONNECTIONS

Tsab Ntawv Xov Xwm Luam Tawm Ib Xyoo Plaub Zaug Coj Los Qhia Cov Neeg Peb Pab, Cov Neeg los sis Chaw Npaj Cov Kev Pab, thiab Cov Neeg Ua Hauj Lwm Rau Alta



Lus qhia ntxiv txog peb tus kws kos duab Matt Duff-Kelly pg. 9

TUS NEEG SAIB XYUAS KEV KHIIV HAUJ LWM COV LUS TSHAJ XO

Tus Neeg Saib Xyuas Kev Khiav Hauj Lwm Lori Banales

Thaum lub xyoo 2022 twb zoo li lub hnuv uas yuav poob qho lawm thiab thaum peb tab tom npaj yuav los txais lub xyoo tshiab, kuv xav siv lub cib fim ntawm no coj los nco txog txhua yam uas peb ua tau tiav ua ke los ntawm peb cov neeg ua hauj lwm nyob hauv ACRC, cov neeg peb pab, cov neeg tu, cov chaw muag khoom thiab cov neeg nyob hauv lub zej zos uas nrog peb koom tes. Ua ke, pawg neeg sib pab hauj lwm ntawm no yeej tau siv lawv lub sij hawm thiab lub zeem muag coj los tsim thiab khiav ib cov dej num los mus ua kom tiav cov hom phiaj uas yeej muab tus tib neeg saib ua qhov tseem ceeb. Zoo li twb tau muab piav qhia los lawm, ACRC yeej tau siv ib Qhov Kev Npaj Coj Los Khiav Hauj Lwm uas muaj kev khiav hauj lwm ntau rau Kev Muaj Vaj Tse Nyob, Kev Ua Hauj Lwm, Kev Pab Rau Tus Neeg thiab Tsev Neeg, thiab kom muaj Kev Rub thiab Kev Koom Tes Nrog Lub Zej Zos. Nyob hauv qhov kev npaj coj los khiav hauj lwm ntawm no, nws yeej muaj ib cov dej num uas cuam tshuam rau peb cov chaw tuav dej num Qhov Kev Cog Lus Coj Los Khiav Kom Tau Hauj Lwm Tiav (Performance Contract) los mus muab lub hom phiaj thiab qhov xav kom ua tiav kho kom tsis txhob tau ua ntaub ntawv ntau sub peb thiaj li yuav ua tau tiav ntau yam. Cov ntaub ntawv ntawm no yeej teev cov dej num tseem ceeb uas qhia peb lub chaw tuav dej num txoj hauj lwm, zoo li yog ib daim duab qhia kev rau peb. Kuv xav muab qhov hauj lwm uas peb tau ua rau phab kev muaj vaj tse nyob nyob rau hauv lub xyoo tag los no coj los piav qhia rau sawv daws paub.

ACRC Qhov Kev Npaj Coj Los Khiav Hauj Lwm - <https://www.altaregional.org/post/acrc-strategic-plan-0>
Qhov Kev Cog Lus Coj Los Khiav Kom Tau Hauj Lwm Tiav - <https://www.altaregional.org/post/performance-contract-0>

MUAJ DAB TSI NYOB HAUV TSAB NTAWV XOY XWM NTAWM NO:

- LUS TSHAJ XO LOS NTAWM TUS NEEG SAIB XYUAS KEV KHIIV HAUJ LWM
- LUS QHUAS COV NEEG UAS PEB PAB
- COV KWS KHO MOB PHAB NTAWV
- COV NEEG UAS PEB PAB PHAB NTAWV
- SANTA HNUB HAUV XYOO 2022
- LUS QHIA TSHIAB QHIA TXOG KEV NPAJ HAIS TIAS YUAV UA LI CAS TOM NTEJ
- LUS QHIA TSHIAB TXOG KEV PAB LOS SIS CHAW MUAJ KEV PAB
- KEV MUAB ACRC COJ LOS SAIB ZOO LI IB COV LEJ LOS NTAWM COV LUS QHIA TXOG TUS NEEG UA LAG LUAM

TUS NEEG SAIB XYUAS KEV KHIAV HAUJ LWM COV LUS TSHAJ XO - TXUAS NTXIV

Tus Neeg Saib Xyuas Kev Khiav Hauj Lwm - Lori Banales

Los ntawm peb cov dej num cuam tshuam rau Kev Npaj Hais Tias Yuav Ua Li Cas Tom Ntej, peb tau tsim muaj ib qhov kev qhia thiab npaj cov khoom siv hauv qhov kev qhia uas peb yeej muab cov neeg paub zoo txog qhov teeb meem (cov neeg peb pab, cov neeg nyob hauv tsev neeg, cov neeg ua hauj lwm rau peb) coj los ua cov neeg tsim qhov kev qhia thiab coj los ua cov neeg qhia kom cov neeg tu ua tau hauj lwm. Kev zoo siab los mus siv txoj kev koom tes thiab cov tswv yim ntawm peb lub zej zos yeej muab txoj kev qhia kho tau zoo tshaj ntxiv rau cov neeg uas lawv mus kawm. Ntxiv ntawd, pawg txwj laus Client Advisory Committee (CAC) yeej tau sib zog los mus tsim ib cov yeeb yaj kiab piam qhia txog cov vaj tse uas muaj rau neeg nyob coj los pab rau txoj kev ua kom muaj vaj tse nyob. Peb yuav muab cov yeeb yaj kiab ntawm no coj los pab pawg neeg pab hauj lwm thaum lawv sib tham hais txog cov vaj tse uas muaj rau neeg nyob thiab thaum lawv tsim cov kev npaj ib qhov zuj zus mus thiab thaum lawv nrhiav kom paub cov chaw uas lawv xav kom tus neeg mus nyob yav tom ntej. Zaj yeeb yaj kiab ntawm no yog tham txog txoj kev mus nyob tau ib leeg uas tsis tag muaj lwm tus neeg pab thiab peb yeej muab tso rau hauv peb lub vas sab. Kuv xav qhia rau sawv daws paub hais tias cov neeg uas Futures Explored/Futures Film pab thiab cov neeg lawv ntiav ua hauj lwm twb yees duab thiab muab zaj yeeb yaj kiab ua tiav tag lawm. Nws muaj ntau lub hom phiaj nyob hauv Txoj Kev Muaj Vaj Tse Nyob uas peb tseem sib zog los mus ua. Nyob hauv lub xyoo tag los no, ACRC tau mus ua ib tus tswv cuab nyob hauv Lanterman Housing Alliance thiab yeej tseem tsim kev koom tes nrog cov neeg ua vaj tse los mus ua kom muaj cov tsev uas lawv tseg cia rau cov neeg peb pab los mus nyob thaum lawv ua vaj tse nyob hauv peb kaum thaj chaw uas muaj nyob hauv lub nroog. Tam sim no peb twb tau txais lus pom zoo rau qhov kev ua vaj tse lawm (Sacramento thiab Elk Grove) thiab peb tseem npaj yuav muaj ob qhov ntxiv nyob rau lub xyoo tom ntej no yog hais tias peb thov tau nyiaj (Woodland thiab Lake of the Pines). Peb yeej tseem nrhiav cov ntaub ntawv cuam tshuam rau txoj kev npaj los ua kom tiav zuj zus ntxiv tom ntej hais txog cov kev pab uas neeg tseem xav tau thiab peb yuav muab cov ntaub ntawv ntawd siv coj los tsim cov kev pab ntawd ua ntej nrog txoj kev xav hais tias yog thaum txog lub sij hawm neeg yuav tsum tau siv, peb yeej muaj cov kev pab ntawd rau lawv siv tib si lawm.

Ntxiv ntawd, ACRC yeej tau muaj ntawv cog lus nrog Housing Access Service ib lub lag luam nrhiav tsev los mus pab cov neeg peb pab uas lawv twb siv tag cov ntawv pab them nqi tsev thiab lwm cov kev pab tag tib si li lawm. Peb los kuj tseem pab ib cov niam txiv uas lawv xav mus hais kom lub nroog muab cov neeg xiam oob qhab rau ntawm txoj kev loj hlob coj los tso rau hauv lub nroog txoj kev npaj vaj tse nyob. Los ntawm lub zej zos cov tswv yim, peb tau tsim muaj ib qhov kev npaj hu ua Community Resource Development Plan (Kev Npaj Los Tsim Kom Muaj Kev Pab Nyob Hauv Lub Zej Zos) uas yog muaj ib qhov kev mus thov kom tau nyiaj coj los ntiav Ib Tus Neeg Ua Hauj Lwm Rau Txoj Kev Nrhiav Vaj Tse Nyob (Housing Navigator). Txoj hauj lwm ntawm no yog tsim los pab kom cov neeg muaj kev mus nyob tau lawv tus kheej uas tsis tag yuav muaj lwm tus neeg pab lawv, muaj kev nyob tau cov tsev nyob hauv lub zej zos thiab los mus pab rau txoj kev ua cov ntawv thov vaj tse nyob. Ntawm no yog ib daim duab me me coj los qhia txog cov dej num uas peb niaj hnuv ua tam sim no nyob ntawm lub chaw regional center thiab qhov dej num no yeej tseem yuav muaj mus ntxiv thiab yuav muaj pauv ntxiv nyob hauv xyoo 2023. Peb yuav muab txhua yam nyob hauv Qhov Kev Npaj Coj Los Khiav Hauj Lwm qhia mus rau Pawg Txwj Laus Saib Xyuas Hauj Lwm (Board of Directors) paub hais tias saib peb ua tau tiav txog qhov twg tsis pub dhau thawj peb lub hlis ntawm lub xyoo tshiab yog thaum twg peb mus rub tau xyoo tag los no cov ntaub ntawv thiab yog thaum twg peb muaj xyoo tag los cov ntaub ntawv tib si lawm. Peb yeej cia siab hais tias peb yuav muaj lus ntau coj los qhia rau sawv daws paub ntxiv thiab yuav paub tsim kom muaj cov cib fim thiab kev pab zoo tshaj ntxiv rau cov tib neeg uas peb pab nyob ntawm ACRC! NYOB ZOO XYOO TSHIAB!

ACRC QHOV KEV SIB SAU RAU COV LAG LUAM ME

Thaum Lub Kaum Ib Hlis, Tim 30, 2022, ACRC tau muaj qhov kev sib sau hu ua Microenterprise Fair nyob ntawm lub chaw khiav hauj lwm nyob hauv Sacramento. Peb muaj coob tshaj li kaum tus neeg siv lub chaw regional center uas lawv muaj ib lub lag luam me muag tej khoom tso kom vaj tse zoo nkauj, tej khoom siv tes ua, cov khoom noj uas yog cov ci thiab ntau yam ntxiv. Vim lub cajj muaj kab mob COVID sib kis loj twb dhau zuj zus lawm, peb cia siab hais tias peb yuav muaj cov kev sib sau zoo li qhov ntawm no ntau tshaj ntxiv.



PEB MUAJ LUS ZOO SIAB TXAIS TOS SHANNON WILLOUGHBY UAS YOG TUS YUAV LOS SAIB XYUAS TXOJ KEV KHO HNIAB LOS RAU HAUV COV NEEG UA HAUJ LWM RAU PHAB KEV KHO MOB



Shannon Willoughby twb ua hauj lwm nyob rau phab kho hniab thiab qhov ncauj tau ntev li 13 xyoo lawm. Ntxiv rau qhov nws muaj npe ua ib tus kws tu kaus hniab (dental hygienist), nws los kuj kawm tau ib daim Bachelor's degree rau phab Tu Kaus Hniab (Dental Hygiene). Vim qhov nws tau ua hauj lwm pab neeg tau ntev los lawm, qhov nws paub khiav ntaub ntawv thiab qhov nws coj tus cwj pwm muaj lub ntsej muag luag ntxi, nws yeej yog ib tus neeg uas yuav pab tau cov neeg zoo heev kom lawv muaj kev mus siv tau cov kev kho hniab zoo thiab raws sij hawm.

ACRC YOG TUS COJ TXOJ KEV TSIM COV NTAUB NTAWV RAU QHOV KEV QHIA COV NEEG TU NEEG LAUS UAS YOG SIV COV KEV QHIA RAW S LI TAU POM MUAJ POV THAWJ LOS LAWV

Koj puas paub hais tias tag nrho regional center 21 lub chaw yeej muaj cov neeg ua hauj lwm uas yog cov neeg nyob hauv lub koom haum California Autism Professional Training & Information Network (California Lub Koom Haum Rau Kev Qhia & Cov Ntaub Ntawv Qhia Txog Kab Mob Autism (CAPTAIN))?

Vim qhov lawv mus koom CAPTIAN, cov neeg ua hauj lwm ntawm cov chaw regional center yeej yuav tau muab tej ntaub ntawv coj los sib qhia thiab yuav tau npaj muaj kev qhia hais txog kab mob Autism thiab hais txog cov kev khiav hauj lwm uas khiav raws li kev muaj pov thawj (evidence-based practices (EBPs) nyob hauv lawv cov zej zos. Nyob hauv xyoo 2019, lub chaw regional center pawg neeg CAPTAIN yeej tau ib pob nyiaj coj los khiav tes dej num ntawm no. Qhov nyiaj ntawm no yog peb muab siv rau txoj hauj lwm CAPTAIN Adult Resources and Evaluation (CAPTAIN Txog Hauj Lwm Nrhiav Kev Pab thiab Kev Soj Ntsuam Rau Cov Neeg Laus), thiab kuj muaj npe hu ua CARE project. Cov hom phiaj tseem ceeb ntawm CARE project yog los mus ua kom cov neeg pab muaj txuj ci thiab kom lawv siv cov kev khiav hauj lwm uas khiav raws li kev muaj pov thawj sub peb thiaj li yuav muaj cov hauj lwm uas ua tau tiav zoo thiab ua tau kom cov neeg peb pab nyob tau muaj qhov zoo rau txhua yam hauv lub neej.

ACRC tus Kws Paub Txog Kab Mob Autism, Mary Rettinhouse, uas nws yog tus thawj coj saib xyuas pawg neeg khiav hauj lwm nyob hauv CAPTAIN txoj kev tsim cov ntaub ntawv qhia tshiab thiab yog tus kws qhia txoj dej num ntawm no. Peb muaj 3 lub tsev neeg nyob loj nyob hauv peb lub xeev tau raug xaiv mus kawm qhov kev qhia uas npaj los ua ib tus neeg qhia nrog rau ib qhov kev qhia uas muaj ib tus kws cob qhia los pab qhia tus neeg ntev li tsib lim piam. Tag nrho ua ke, peb muaj 8 tus neeg ua hauj lwm thiab 7 tus neeg uas yog cov neeg peb pab yeej tau mus koom qhov dej num CARE project. Tag nrho ua ke, peb yeej ua tau tiav los sis ua tau zoo tshaj li 92% ntawm cov neeg uas peb pab cov hom phiaj thiab cov neeg npaj kev pab yeej kawm tau txuj ci ntau ntxiv thiab yeej siv qhov kev khiav hauj lwm EBPs. Yuav kom muab qhov hauj lwm no nthuav tau kom dav ntxiv, txhua lub chaw regional center tau teev ib lub hom phiaj coj los siv EBP cov kev qhia nrog cov neeg npaj kev pab thiab thaum xyoo 2022 xaus, 12 ntawm 21 lub chaw yuav ua tau zoo li no uas yog ntau tshaj ib nrab ntawm cov chaw yob hauv peb lub xeev lawm!



Mary Rettinhouse, MS, BCaBA
Tus Kws Kho Mob Uas Muaj Kev
Kawm Txog Kab Mob Autism (Autism
Spectrum Disorder Clinical Specialist)



COV KWS KHO MOB PHAB NTAWV

KEV UA KOM TUS NEEG PAUB TXIAV TXIM LOS PAB TUS KHEEJ LOS NTAWM TXOJ KEV NPJ UA NTEJ HAIS TIAS TUS NEEG YUAV KOM NWS LI CAS



Nyob hauv peb tsab ntawv xov xwm thaum Lub Ib Hlis 2022, peb tau hais tawm hais tias Alta California Regional Center (ACRC) tau koom tes nrog lub koom haum Coalition for Compassionate Care of California (California Lub Koom Haum Rau Txoj Kev Muaj Kev Hlub Tshua Tib Neeg (CCCC)) zaum ob los mus pab cov neeg saib xyuas kev pab nrog cov kev sib tham ntawm pawg neeg pab hauj lwm rau txoj kev npaj hais txog kev npaj ua ntej hais tias tus neeg xav kom kho los sis saib xyuas nws zoo li cas thiab kev muab tej yam uas tus tib neeg xav tau nyob hauv lawv qhov Individual Program Plan (Qhov Kev Npaj Coj Los Pab Ib Tus Tib Neeg) coj los sau kom muaj ntaub ntawv tseg. Nrog txoj kev muaj kev koom tes thiab kev pab los ntawm pawg txwj laus Steering Committee and Advisory Group, peb yeej tau mus nug kom peb paub zoo ntxiv hais txog qhov kev qhia uas muaj rau cov neeg saib xyuas kev pab.

Thaum Lub Cuaj Hli, Tim 13, 2022 CCCC cov neeg khiav hauj lwm yog: Judy Thomas, JD, CEO, Kristine Wallach, COO, thiab Keeta Scholl, Tus Neeg Saib Xyuas Hauj Lwm yeej tau npaj muaj ib qhov kev qhia txhua uas qhia tej yam zoo li: kev npaj ua ntej hais tais saib tus neeg xav kom kho los sis saib xyuas nws zoo li cas, kev nkag siab tus neeg tej kab lis kev cai, kev txiav txim hais txog kev kho mob, kev muab txoj kev kho mob coj los xav thiab ntau yam ntxiv! Kev Npaj Ua Ntej – Kuv Txoj Kev, Qhov Kuv Xaiv, Kuv Lub Neej nyob ntawm Phab Ntawv Teev Dej Num thaum xaus (End workbook) Peb tau muab Phab Ntawv Teev Dej Num Npaj Ua Ntej (Thinking Ahead Workbook) coj los kho dua tshiab thiab yeej tsim muaj ib Tsab Ntawv Qhia Ua Ntej Hais Tias Tus Neeg Xav Kom Kho Los Sis Saib Xyuas Nws Li Cas Hais Txog Kev Kho Mob (Advance Health Care Directive) raws txoj cai coj los rau ib tus tib neeg uas siv lub chaw regional center los mus muab ua kom tiav.

Txij li thaum muaj qhov kev qhia los, cov lus uas neeg tau hais qhia rau peb yeej tsis muaj qhov hais tias tsis zoo li vim cov neeg saib xyuas kev pab yeej tau hais tias lawv paub nrog neeg sib tham hais txog txoj kev npaj ua ntej hais tias saib tus neeg xav kom kho los sis saib xyuas nws zoo li cas thiab paub muab cov lus nyob hauv tus tib neeg qhov IPP sau tseg; yog ua zoo li ntawd, peb thiaj li yuav paub hais tias peb yuav kho los sis saib xyuas tus neeg zoo li cas yog thaum twg lawv tsis paub dab tsi thiab hais tsis tau lus lawm.

Vim qhov no yeej yog ib qhov kev khiav hauj lwm uas peb coj los sim siv, ACRC thiab lub chaw uas nrog peb koom tes, Valley Mountain Regional Center (VMRC) yeej tau pab thaum pib txoj kev npaj qhov kev qhia ib them zuj zus. Cov kauj nruam txuas ntxiv tom ntej yog cuam tshuam rau CCCC txoj kev mus thov nyiaj ntxiv coj los pab ua kom muab qhov kev qhia no nthuav tau dav mus rau 19 lub chaw regional centers uas tseem tsis tau muaj qhov kev qhia no.

Qhov peb tau koom tes thiab khiav hauj lwm nrog CCCC dua yog ib yam uas peb zoo siab thiab peb yeej ua tsaug ntau rau cov txuj ci hais txoj kev npaj ua ntej hais tias yuav kho los sis saib xyuas ib tus neeg zoo li cas, kev npaj hais tias yuav ua li cas thaum tag sim neej, thiab kev mob siab los ua kom cov neeg siv lub chaw regional center paub txiav txim lawv tus kheej hais txog txoj kev npaj ua ntej hais tias yuav kho los sis saib xyuas lawv zoo li cas.

ACRC NYOB HAUV LUB ZEJ ZOS – COV NEEG UA HAUJ LWM YUAV MUAJ IB QHOV KEV SIB SAU LOS UA KEV ZOO SIAB RAU HMOOB LUB TSIAB PEB CAUG



COV NEEG UAS PEB PAB PHAB NTAWV



Pawg txwj laus Client Advisory Committee twb muab lawv zaj yeeb yaj kiab qhia txog "lub neeg nyob hauv kuv lub tsev" ua tiav tag lawm. Zaj yeeb yaj kiab yeej qhia cov tib neeg peb pab uas lawv siv cov kev pab kom lawv nyob tau lawv tus kheej tsis tag yuav muaj lwm tus neeg pab lawv, cov kev pab kom lawv nyob tau thiab cov tib neeg peb pab uas lawv siv cov chaw thiab kev pab uas muaj rau txhua tus neeg siv kom lawv nyob tau lawv tus kheej hauv lawv lub tsev. Lub hom phiaj ntawm qhov kev pab ntawm no yog 1) los mus ua kom cov tib neeg paub hais tias cov tsev uas lawv mus nyob tau yog muaj zoo li cas thiab 2) los mus ua kom cov tib neeg mus nyob tau rau ntawm cov tsev los sis chaw uas lawv yeej xav nyob. Thov mus rau ntawm qhov link ntawm no mus saib <https://youtu.be/mMI2iLsyuY>

Yog xav paub ntxiv txog ACRC pawg txwj laus CAC thiab cov hnuv uas lawv yuav muaj cov rooj sib tham yav tom ntej, thov mus saib hauv peb lub vas sab: <https://www.altaregional.org/client-advisory-committee-cac>.

LUS QHUAS COV NEEG UAS PEB PAB – ADAM NEBLETT

Nyob Zoo, kuv lub npe yog hu ua Adam Neblett. Kuv muaj 30 xyoo thiab yeej khiav tau ib lub lag luam zoo nyob ntawm no hu ua, Red Dogg Walking Services. Kuv pib lub lag luam ntawm no tau ntev li kaum xyoo los lawm. Kuv cab neeg tej dev mus taug kev thiab pub qhauv rau lawv noj. Kuv yeej xyuas kom mee hais tias cov dev yeej tau mus taug kev txaus, tau mus taug kev txhua txhua hnuv. Cov neeg kuv pab uas yog cov tswv dev yeej nyob ib ncig hauv Freeport thiab Land Park hauv Sacramento. Kuv muaj ob peg tug tswv dev uas nyob nram plawv nroog (downtown). Kuv tsuas khiav kuv lub lag luam nyob rau ntawm cov thaj chaw no xwb vim hais tias kuv yeej muab txoj kev npaj kom muaj kev pab zoo saib muaj nuj nqis. Kuv yeej caij tau tsheb kauj vab, tsheb nqaj hlaus los sis tsheb npav mus rau ntawm cov chaw ntawm no. Kuv yeej yog ib tus neeg uas sib zog ua hauj lwm thiab kuv thov muab lus qhuas rau kuv niam vim nws yog tus neeg uas qhia hais tias txawm kuv yuav ua dab tsi los xij, kuv yuav tsum tau sib zog. Nws tau qhia kom kuv sib zog thiab ua ib tus neeg uas "mus ua kom tau qhov kuv xav tau."



Red Dogg Walking Services yog ib lub lag luam uas kuv khiav nyob hauv tsev. Kuv nyob thiab ua hauj lwm nyob hauv ib thaj chaw uas kuv hlub tshua. Kuv yeej nyob tib qhov chaw txij li thaum xyoo 2010 los lawm thiab kuv muaj ib tus neeg nrog kuv nyob hauv lub tsev ntawd. Kuv tau qhov kev pab hu ua In-Home Support Services (IHSS) thiab kuv txiv yog tus neeg uas ua qhov hauj lwm IHSS rau kuv. Kuv yeej muaj ib cov neeg hauv kuv tsev neeg rau kuv mus nrog lawv sib tham thaum kuv xav tau tswv yim los daws kuv cov teeb meem. Kuv txiv yog ib tus neeg uas xav paub txog ub txog no thiab nyiam mus kawm txog tej yam uas nws tsis paub. Yog thaum twg kuv ua tsis tau ib yam dab tsi, kuv yuav nug kuv tus kheej hais tias "Yog kuv txiv muaj qhov teeb meem zoo li no, kuv txiv yuav ua li cas?" Thaum kuv nres me ntsis thiab xav, ntau zaus, kuv yeej xav tau lub tswv yim hais tias kuv yuav ua li cas. Tsiav yeej nco qab ntsoov txog yus, vim qhov no kuv thiaj li mob siab txog txoj kev saib xyuas lawv.

Thaum lub sij hawm kuv tsis muaj dab tsi ua, kuv nyiam saib San Francisco 49ers ua kis las football. Thaum lawv yeej, kuv ua ib qhov kev zoo siab los qhia hais tias kuv nrog lawv yeej ib yam thiab. Yog kuv tig tau sij hawm rov qab, kuv yuav xav mus ntsib Dr. Martin Luther King. Nws yog ib tus neeg tawm suab kom muaj cov kev kho uas yeej tsis muaj qhov phem rau tib neeg. Kuv los kuj xav ntsib tus qub Tuam Thawj Tswj Teb Chaws Meskas, Barak Obaman; kuv pom zoo li nws yog ib tus neeg uas ntxim yuav muaj kev lom zem yog koj nrog nws nyob sib tham ua si. Kuv los kuj tseem xav ua kom kuv txiv muaj cib fim mus ntsib Tiger Woods thiab. Kuv txiv nyiam ntaus golf thiab kuv xav kom nws muaj cib fim mus ntsib Tiger Wood ib hnuv.

Yog koj xav hais tias koj yuav pib ib lub lag luam, kuv muaj lub tswv yim ntawm no rau koj: Nws yeej muaj cov sij hawm uas koj yuav ntsib teeb meem thaum koj tseem tab tom ua kom koj lub lag luam loj hlob tuaj. Tsis txhob tso tseg, muaj ib hnuv koj yeej yuav khiav tau koj lub lag luam zoo li ib tus neeg uas yeej paub khiav lag luam zoo lawm.

Yog xav paub ntxiv hais txog Red Dogg Walking Services, hu 916-548-8150.

DREAM THEATRE INC ENTERS SYLVIA BESANA QHOV KEV MUS SIB SAU TAUG KEV RAU NEEG POM THAUM LUB CAIJ SO NYOB HAUV ROSEVILLE

Dream Theatre cov neeg ua yeeb yam tau hu ib zaj nkauj rau ib cov txwj laus mloog thiab cov txwj laus tau muab ib tus tso ua tus yeej thib 1!
Yog xav paub ntxiv txog Dream Theatre, mus xyuas ntawm www.dtrocks.org




LUS QHIA TXOG KEV NPAJ HAIS TIAS YUAV UA LI CAS TOM NTEJ – LUS KHO DUA TSHIAB

Tom qab ib xyoos, ACRC Pawg Txwj Laus Saib Xyuas Dej Num Ntawm Txoj Kev Npaj Rau Yav Tom Ntej (Coordinated Future Planning Task Force) tau npaj muaj ib qhov kev qhia uas yuav qhia ntev li plaub teev coj los qhia kwv yeej li 125 leeg ntawm ACRC cov neeg saib xyuas kev pab (service coordinators) thiab cov neeg saib xyuas dej num (managers). Cov dej num tseem ceeb ntawm qhov kev npaj ntawm no yog muaj kev muab ib tus neeg tu txoj kev npaj ua kom tiav nyob hauv lub rooj sib tham IPP sau tseg rau cov tib neeg uas muaj ib tus neeg muaj hnub nyoog siab los tu thiab kev npaj muaj ntau yam chaw nyob yav tom ntej nyob ntawm cov rooj sib tham uas pawg neeg pab hauj lwm muaj. Cov tib neeg siv lub chaw regional center, lawv tsev neeg thiab cov neeg npaj kev pab, uas yog cov qhia qhov kev qhia ntawm no, yuav pab cov neeg saib xyuas kev pab hais txog txoj kev muaj cov kev sib tham tseem ceeb ntawm no nrog cov neeg pab thiab lawv tsev neeg.

Yog xav pom ntaub ntawv thiab cov lus kaw tseg ntxiv ntawm cov kev qhia, thov mus xyuas ntawm:

<https://www.altaregional.org/post/coordinated-future-planning-cfp-training>



KOOM HAUM SIB PAB NRHIAV VAJ TSE RAU COV NEEG XIAM OOB QHAB NYOB (DISABILITY HOUSING ALLIANCE)

Lub Koom Haum Sib Pab Nrhiav Vaj Tse Rau Cov Neeg Xiam Oob Qhab Nyob (Disability Housing Alliance (DHA)) yog ib lub koom haum tsa tshiab ntawm cov niam txiv thiab cov koom haum uas yeej sib zog los ua kom muaj ntau yam vaj tse rau cov neeg muaj kev xiam oob qhab rau ntawm txoj kev xav thiab kev loj hlob (IDD) nyob. Cov koom haum yog muaj Future For Our Kids (Lub Neej Pem Suab Rau Peb Cov Me Nyuam), Alta California Regional Center (ACRC), State Council on Developmental Disabilities (Lub Xeev Pawg Txwj Laus Saib Xyuas Cov Kev Pab Uas Npaj Rau Cov Neeg Muaj Teeb Meem Rau Txoj Kev Loj Hlob Siv (SCDD)), thiab Placer Independent Resources Services (Placer Cov Chaw Muaj Kev Pab los sis Muaj Ntaub Ntawv Hais Txog Kev Nyob Tau Tus Kheej Uas Tsis Tag Muaj Lwm Tus Neeg Pab (PIRS)), nrog rau cov niam txiv coob tus. Future For Our Kids yog lub koom haum sawv cev ntawm pawg koom haum no thiab yog Nroog Placer lub chaw muaj kev pab rau cov niam txiv uas muaj cov me nyuam nyob rau lub hnub nyoog muaj kev pauv thiab cov tub ntxhais hluas uas muaj teeb meem rau txoj kev txawj ntse thiab kev loj hlob uas lawv yeej mus sib sau tsis tseg los mus sib tham txog txoj kev npaj ib lub neej tsim nyog rau cov neeg laus uas tseem yog neeg zoo li me nyuam yaus. Pawg koom haum ntawm no yuav muaj kev sib ntsib txhua hli nrog ACRC Tus Director of Community Services (Tus Neeg Saib Xyuas Cov Kev Pab Uas Muaj Nyob Hauv Lub Zej Zos) los mus pab txoj kev nrhiav vaj tse nyob mus ntxiv rau cov neeg siv ACRC. Yog xav mus koom, thov sau email mus rau futureforourkidsca@gmail.com.

Cov Hom Phiaj:

- Los mus tsa ib pawg niam ntxiv thiab lwm cov neeg los ua cov neeg tawm suab rau txoj kev nrhiav vaj tse nyob.
- Los mus cog kev phooj ywg sib pab thiab kev tawm suab suav nrog cov neeg tuav hauj lwm hauv lub nroog, pawg txwj laus saib xyuas kev npaj, cov koom haum rau kev pab, thiab lwm yam.
- Los mus hais kom ua cov vaj tse uas neeg them taus, muaj kev pab, thiab yog cov vaj tse uas tus neeg xav nyob.



LUS QHIA NTXIV TXOG KEV TSIM COV KEV PAB

Cov kev pab uas pauv nyob rau nyob hauv peb lub hlis (quarter) tag los no.

Cov Chaw los sis Neeg Tshiab Uas Yuav Los Npaj Kev Pab

**COV KOOM HAUM RAU KEV SIB THAM UA
SI/KEV UA KIS LAS**
Dolphin Swim School Inc.

**LUB CHAW/TUS NEEG NPAJ KEV PAB UAS MUAB
TUS NEEG SAIB UA QHOV TSEEM CEEB**
Quality Life Services

KEV PAB RAU COV KEV KHO TSHWJ XEEB
RPK Forensic Psychological & Consultation Svcs
(3 - 21 xyoos)
RPK Forensic Psychological & Consultation Svcs
(21 xyoos rov saum)
Milotz Psychological Service Inc

**TUS NEEG PEB PAB/KEV PAB RAU NIAM TXIV/TUS CWJ
PWM KEV NQES TES PAB**
Early Days Autism Center

**KEV MUAB TSWV YIM PAB
(COUNSELING SERVICES)**
Jessie Ott
The Next Step Therapy
Center for Holistic Psychology

**TSEV RAU NEEG LAUS NYOB
(RES FACILITY FOR ADULTS)**
Cister's Loving Care Home II
Nicobella Home Care Inc.
Ella Rose Care
Bella Hills Care Home
Bestlife - Eastside
Vineyard Home Care Inc
Milestone Care Home Inc

**KWS TXHEEB XYUAS KEV COJ TUS CWJ PWM
(BEHAVIOR ANALYST)**
Moving Mountains LLC
Impact Behavior Analysis & Solutions

DDS Cov Lus Qhia Tshiab Uas Muaj Kev Cuam Tshuam Rau Cov Chaw Saib Xyuas Neeg Thaum Nruab Hnub, Cov Kev Pab Kom Neeg Nyob Tau Lawv Tus Kheej Uas Tsis Tag Yuav Muaj Lwm Tus Neeg Pab Lawv, Kev Pab Rau Kev Ua Hauj Lwm thiab Cov Kev Pab Thaum Nruab Hnub Uas Npaj Zoo Li Qhov Tus Neeg Yuav Siv

Lub Chaw Tuav Dej Num Saib Xyuas Cov Kev Pab Rau Cov Neeg Muaj Teeb Meem Ntawm Txoj Kev Loj Hlob (Department of Developmental Services) nyuam qhuav tso Ib Cov Lus Qhia Ua Ntej Hais Tias Saib Tus Xav Kom Kho los sis Saib Xyuas Nws Li Cas tshiab uas ntau txhiab tus neeg siv ACRC uas lawv cov kev pab tau pauv nyob rau thaum lub sij hawm muaj kab mob COVID-19 sib kis loj yeej tsim nyog paub txog. Cov lus qhia ua ntej hais tias saib tus neeg xav kom kho los sis saib xyuas nws zoo ua li cas ntawm no yeej qhia hais tias yuav tsis muaj Cov Kev Pab Rau Cov Neeg Uas Tsis Nyob Ntawm Cov Tsev Muaj Rau Neeg Nyob (Nonresidential Alternative Services) pib thaum Lub Ib Hlis, Tim 1, 2023 ntxiv lawm. Ntxiv ntawd, Lub Chaw Tuav Dej Num yeej pub cov kev pab thaum nruab hnub, cov kev pab zoo li cov kev pab thaum nruab hnub (zoo li cov kev pab cuam rau kev ua hauj lwm) thiab cov kev pab rau txoj kev nyob tau tus kheej uas tsis tag muaj lwm tus neeg pab los mus pab nyob saum huab cua (nyob hauv xov tooj los sis hauv computer) mus txog thaum Lub Kaum Hli, Tim 31, 2023. Qhov kawg, DDS tau tso ntaub ntawv tawm los muab txoj kev khiav hauj lwm rau Cov Kev Pab Thaum Nruab Hnub Zoo Li Qhov Uas Tus Neeg Yuav Siv kho kom khiav tau yooj yim thiab kom muaj qauv. Neeg yuav mus nrhiav tau DDS cov lus qhia rau cov chaw regional centers nyob ntawm: <https://www.dds.ca.gov/rc/regional-center-directives/>. Peb xav kom koj mus muab cov kev pab nyob nram qab no coj los xyuas:

- 12/01/2022 Alternative Nonresidential Services (Kev Pab Rau Cov Neeg Uas Tsis Nyob Ntawm Cov Tsev Muaj Rau Coob Tus Neeg Nyob)
- 12/01/2022 Tailored Day Services (Cov Kev Pab Thaum Nruab Hnub Uas Npaj Zoo Li Qhov Tus Neeg Yuav Siv)
 - Cov Ntaub Ntawv A Uas Muab Xa Ua Ke Nrog Ntawm No
 - Cov Ntaub Ntawv B Uas Muab Xa Ua Ke Nrog Ntawm No
- 11/23/2022 Remote Services (Cov Kev Pab Saum Huab Cua) – Day Programs and Independent Living Services (Cov Kev Pab Cuam Thaum Nruab Hnub thiab Cov Kev Pab Rau Txoj Kev Nyob Tau Tus Kheej Uas Tsis Tag Muaj Lwm Tus Neeg Pab)

Cov Chaw los sis Cov Neeg Npaj Kev Pab Uas Kaw Lawm

KEV THAUJ MUS LOS (TRANSPORTATION)
Med Star - Vendor Request

KEV KAWM TXOG KEV HAIS TAUS LUS (SPEECH PATHOLOGY)
Stephanie Garo - Vendor Request

TSEV NYOB
Warner's Family Home #2 - Facility Relocated
Cadway Home - Facility Relocated

PEB YUAV TAU QHIA RAU SAWV DAWS PAUB – RESIDENTIAL SC MAHLET TAREKEGN

Kuv lub npe yog Mahlet Tarekegn. Kuv yug thiab loj hlob nyob Ethiopia, East Africa. Ethiopia yog ib lub chaw uas neeg muab tso hais tias nws yog lub chaw neeg xub pib siv kas fes thiab kuv yeej zoo siab los muab pib tej kab lis kev cai coj los qhia sawv daws thiab yeej zoo siab los npaj ib qhov kab lis kev cai haus kas fe nrog cov neeg uas lawv nrog kuv ua hauj lwm nyob ntawm Alta Regional Center. Ethiopia qhov kab lis kev cai haus kas fe yeej yog ib feem ntawm txoj kev sib tham ua si thiab kab lis kev cai ntawm txoj kev ua neej uas feem ntau yeej yog muaj ntev li 2 mus rau 3 teev. Ib cov lus caw mus koom ib qhov kab lis kev cai haus kas fe yeej yog ib yam uas muab hais tias yog kev cog phooj ywg los sis kev sib hwm thiab nws yog ib qhov piv txwv ntawm Ethiopia txoj kev txais qhua. Qhov tseem ceeb tshaj, kab lis kev cai haus kas fe yog ib yam uas yeej muab hais tau hais tias yog kev kho kom lub siab nyob tus thiab txoj kev sib tham ua si uas zoo tshaj vim hais tias cov tib neeg yeej mus sib sau tau nyob ua ke los mus sib tham thiab sib qhia txog lub neej.



LUS KHO DUA TSHIAB HAIS TXOG COV NEEG NPAJ KEV PAB PAWG TXWJ LAUS PAB TSWV YIM (PROVIDER ADVISORY COMMITTEE UPDATE)

Cov Neeg Npaj Kev Pab Pawg Txwj Laus Pab Tswv Yim (PAC) yog tsa los muab tswv yim, lus qhia, lus pom zoo, thiab kev pab rau lub chaw Regional Center thiab Pawg Txwj Laus (Board) hais txog cov teeb meem cuam tshuam rau cov neeg npaj kev pab. PAC los kuj tseem khiav hauj lwm los mus pab cov neeg npaj kev pab uas muaj tam sim no thiab tsim cov kev pab zoo uas muaj nyob hauv pib ib cheeb tsam. Ib txhia dej num uas pib tab tom khiav hauj lwm rau tam sim no yog:

- Kev pauv tawm ntawm cov kev pab hu ua Alternative Services
- Kev daws cov teeb meem cuam tshuam rau cov neeg ua hauj lwm
- Kev Tshawb Fawb Txog Kev Them Nyiaj: kev siv txoj kev uas them nyiaj ntau zuj zus; kev daws cov teeb meem uas cuam tshuam rau cov nyiaj them rau Cov Kev Pab Kom Neeg Nyob Tau (Supported Living) thiab rau Cov Kev Pab Kom Nyob Tau Tus Kheej Uas Tsis Tag Yuav Muaj Lwm Tus Neeg Pab (Independent Living)

Npaj Mus Ua Ib Tus Neeg Nyob Hauv Cov Neeg Npaj Kev Pab Pawg Txwj Laus Pab Tswv Yim (Provider Advisory Committee)
PAC tab tom nrhiav neeg mus ua tswv cuab nyob hauv pawg txwj laus! Peb yeej zoo siab txais tos txhua tus neeg npaj kev pab mus ua ib tus tswv cuab nyob hauv PAC. Yuav kom muaj neeg sawv cev zoo tshaj rau tag nrho ACRC cov neeg npaj kev pab, PAC yeej xav tau cov neeg npaj kev pab uas lawv npaj cov kev pab nram qab no: kev pab tshwj xeeb (PT, OT AGA, Hais Lus, tej yam zoo li no), cov kev nqes tes pab thaum tseem ntxov los sis kev pab rau cov me nyuam yaus, kev pab rau ntawm lub tsev neeg nyob, thiab tus neeg tu tsev los sis kev pab rau kev tu tus kheej. Peb los kuj tseem tab tom nrhiav neeg sawv cev rau tag nrho ACRC 10 lub nroog. Cov neeg npaj kev pab uas nyiam yeej tsim nyog mus koom pib nyob ntawm PAC cov roj sib tham txhua hli rau thaum hnuv Thursday thib ob hauv lub hli thaum 9:30 am - 11:30 am. Cov neeg yeej mus koom tau pib nyob hauv online los sis tim-ntsej tim muag nyob hauv chav siv tham Brenda Smith Conference Room. Cov neeg npaj kev pab uas mus koom txog 7 los sis ntau tshaj xya lub roj sib tham yeej muaj cai tsim nyog thov mus ua Tswv Cuab Nyob Hauv PAC. Koj yeej mus kawm tau kom koj paub ntau ntxiv txog PAC nyob hauv online nyob ntawm <https://www.altaregional.org/provider-advisory-committee-pac>. Koj los yeej nug tau mus rau Tus Coj Ntawm PAC Pawg Txwj Laus Txuas Lus Nrog Neeg Sab Nraud (Outreach Committee Chair), Eric Ciampa, ntawm eciampa@ucpsacto.org yog koj muaj lus nrog ntxiv.

MUAB ACRC COJ LOS SAIB ZOO LI IB COV LEJ

Koj puas paub hais tias ACRC pab tau neeg coob txog li 1000 tus neeg ntxiv txhua xyoo?

Ntawm no yog cov neeg uas peb pab thaum txog Lub Kaum Ob Hlis, Tim 8, 2022:

Early Start (Cov Neeg Uas Pib Ntxov) - 2311

Cov Neeg Uas Lanterman Pab - 25,668

Suav Tag Nrho Ua Ke = 27,979

SANTA HNUB HAUV XYOO 2022



LUS QHIA TXOG TUS NEEG UA LAG LUAM UAS PEB XAIV – MATTHEW DUFF-KELLY BOMB'OS Dej Chocolate Sov and Txiv Cherry Sov



Kuv lub npe yog Matthew Duff – Kelly. Kuv pib lub lag luam Bomb'os thaum Lub Kaum Ob Hlis xyoo 2020. Kuv pib lub lag luam ntawm no coj los ua ib qhov kev kawm hais txog kev pib thiab kev khiav ib lub lag luam. Kuv lub hom phiaj yog los ua kom kuv lub lag luam khwv tau nyiaj txaus coj los yug kuv. Kuv muag Cov Khoom Qab Zib Rau Cov Hnub So Hauj Lwm (Holiday) thiab npaj khoom rau kev zoo siab.

Peb lub hom phiaj ntawm txoj kev los ua ib lub tuam txhab yog los ua ib lub lag luam uas muag thiab tsim cov khoom qab zib txawv lwm cov uas yeej qab thiab ua rau neeg nco qab ntsoov. Peb lub hom phiaj yog los ua kom tib neeg qhib lawv lub siab mus noj ib cov khoom txom ncauj qab uas peb muaj, nyob ntawm saib nws yog lub caij so hauj lwm twg.

Daim Ntawv Teev Cov Khoom Peb Muag:

Hot Coco Bombs - Homemade Hot Coco Mix, Tooth Fairy Meltable Chocolates Hot Cherry Bombs - Oreo Cookies, Cream Cheese, Maraschino Cherries, Tooth Fairy Meltable Chocolates

Yog peb xav yuav koj cov khoom qab zib peb yuav ua li cas? Sau email mus rau Matt mduffkelly@yahoo.com
Instagram @bombosbusiness

